



Broj: 09-20-11-2-1338/24

Datum: 11.06.2024. godine

Na osnovu člana 43. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14 i 59/22) i preporuke Komisije za provođenje konkurentskih i pregovaračkih postupaka nabavki u 2024. godini, direktor po ovlaštenju Vlade Federacije Bosne i Hercegovine, d o n o s i

O D L U K U

o izboru najpovoljnijeg ponuđača u pregovaračkom postupku nabavke bez objavljivanja obavještenja o nabavci „Javna nabavka nadogradnje i umrežavanje postojećeg telefonskog sistema“

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke: „Javna nabavka nadogradnje i umrežavanje postojećeg telefonskog sistema“, te se ugovor dodjeljuje ponuđaču „SIECOM“ d.o.o. Sarajevo, čija ponuda, nakon dostavljanja konačne ponude, iznosi 142.840,00 KM bez PDV-a, odnosno 167.122,80 KM sa PDV-om.

II

Navedeni kvalifikovani kandidat nakon konačnosti ove Odluke bit će pozvan radi zaključivanja ugovora kojim će se regulisati međusobna prava i obaveze vezane za predmetnu nabavku. Ugovorni organ će o ovoj Odluci obavijestiti navedenog učesnika postupka nabavke.

III

Ova Odluka stupa na snagu danom donošenja.

IV

Za izvršenje Odluke zadužuje se Sektor za materijalno-finansijske poslove.

O b r a z l o ž e n j e

Komisija za provođenje konkurentskih i pregovaračkih postupaka nabavki za 2024. godinu imenovana Rješenjem direktora Federalne uprave policije, broj Rješenja o imenovanju 09-19/1-30-2-15 od 04.01.2024. godine u predmetu javne nabavke „Javna nabavka nadogradnje i umrežavanje postojećeg telefonskog sistema“ je konstatovala da je na osnovu Odluke o pokretanju postupka nabavke, broj: 09-20-11-

2-1338/24 od 16.04.2024. godine, pokrenut pregovarački postupak nabavke bez obavještenja o nabavci.

Procijenjena vrijednost za predmetnu nabavku iznosi do 144.833,33 KM bez PDV-a.

Komisija je u toku postupka zaprimila Zahtjev za učešće ponuđača „SIECOM“ d.o.o. Sarajevo, te je nakon pregleda dostavljenog Zahtjeva za učešće Zapisnikom broj 09-20-11-2-1338/24 od 20.05.2024. godine konstatovala da navedni ponuđač ispunjava predkvalifikacione uslove, nakon čega je donesena Odluka broj 09-20-11-2-1338/24 od 06.05.2024. godine o rezultatima postupka predkvalifikacije.

Komisija je dana 20.05.2024. godine uputila ponuđaču SIECOM d.o.o. Sarajevo Poziv za dostavljanje početne ponude. U skladu sa navedenim, ponuđač SIECOM d.o.o. Sarajevo je dostavio svoju početnu ponudu. Komisija je uvidom u istu Zapisnikom broj: 09-20-11-2-1338/24 od 28.05.2024. godine konstatovala da je dostavljena ponuda prihvatljiva, te je nakon toga navedenom ponuđaču upućen Poziv na pregovore.

Pregovori sa ponuđačem su održani dana 05.06.2024. godine, što je konstatovano Zapisnikom broj 09-20-11-2-1338/24 od 05.06.2024. godine. Po okončanju pregovora Komisija je uputila Poziv ponuđaču „SIECOM“ d.o.o. Sarajevo za dostavljanje konačne ponude.


Pregledom Konačne ponude, uz mišljenje angažovanog stručnog lica za ocjenu tehničkog djela ponude, Komisija je Zapisnikom broj: 09-20-11-2-1338/24 od 11.06.2024. godine konstatovala da je konačna ponuda prihvatljiva i u skladu sa uslovima definisanim tenderskom dokumentacijom, te predložila Ugovornom organu da se ugovor za predmetnu nabavku dodjeli ponuđaču „SIECOM“ d.o.o. Sarajevo.

Na osnovu navedenog odlučeno je kao u dispozitivu.

PRAVNA POUKA: Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi a putem ugovornog /prvostepenog organa.

DIREKTOR – 9
(po ovlaštenju Vlade FBiH)
GLAVNI INSPEKTOR

Vahidin Munjić



Dostaviti:

- učesniku u postupku,
- Sektoru za mat-fin poslove i
- u spis